



# Wichtig

(ASP550-03..01.2010)

---

Ma heat mir gio an guot Rot,  
wio-n-as im Altar witer goht:

Wichtig sei an A'rang z' nio,  
wenn d' übr-an Oxar ommä muoscht,  
wichtig sei gnuo Schwung zum hio,  
glich was du ou im Leobo tuoscht.


Wichtig sei, trotz aller ll,  
dass d' uf-om reochto Weog bioscht, gschpürscht,  
wichtig sei, dass all di Ziel  
nid us-o-n-Ougo du verlüsch.

Das Wichtigst sei, dass d' leorna muoscht,  
dass d' gär nio gnuo du künno kascht,  
do gröscho Gfallo dra dir tuoscht,  
wenn d' künno kascht, dass d' seolb di mascht

Ma heat mir gio an guot Rot,  
wio-n-as im Altar witer goht:  
Wer alt well wöaro, jung well bliebo,  
söll 's Nünt-Tuo blös nid übertriebo.



(ASP550-03..01.2010)



Künschtlar

(ASP551-08..02.2010)

I möchtit gern an Künschtlar si,  
dänn dörft i ou an Vogel hio.  
Do luogtond andrä Künschtlar dri.  
I tätit iohna Saures gio.

I schafftit Züg, wo niomig will,  
geschweige, wo a Mensch verstoht,  
i machtit blös uf wüoscht und schrill.  
wo guot dorvo sä leoba lot.


I blüb nid länger mä im Ländlä;  
i suochtit ou mir an Mätzän;  
i schröpfTit d' Kundschaft seolbverständla,  
i schröpfTit zwiefellos ou dän.

Die Richo schätzttond mi as Gascht,  
i spieltit i-n-ar andro Liga,  
i falltit nid der Bank zur Lascht,  
i tätit seolb Banknota biega.


I schribtit d' Memoara z' erscht,  
i petztit Prominentä a,  
wil d' jo mit dänargo verkehrscht,  
wo guot dorvo ma leoba ka.

Das schüonscht, was i mir usdänkt hio  
ischt nid blös 's Geold, das sau-banal,  
was minem Leobo güt meh Sio,  
wär uomol uf-o-n-Opernbaal.

Wil d' Politik mir nid gad lit,  
als Künschtlar brücht i 's grad sowit,  
dass i kuon Euro l'tritt zahl,  
für d' Loschä uf-o Opernbaal.



(ASP551-08..02.2010)



# do Schalt-Tag

(ASP552-15..02.2010)


---

Im Schaltjohr heat do Februar  
uon Tag meh, wo uom g'hört,  
uon Tag, wo d' Gwerkschafft offobar  
i iohrem Selbstbewußtsi stört.

An Tag meh, wo ma schaff im Johr,  
däs lass sä niomig büto,  
ma lauf, wenn däs ma zuolaß d' G'fohr,  
ma well all meh von Lütö.  
Sie heat sä kreftig inä gleit,  
as müoß eopas passioro,  
sie heat i allem Ernst gär gseit,  
d' Lüt söllond demonstrioro.  
Wer a deom Schalt-Tag nid hei frei,  
uf zwio Täg Urloub A'spruch hei.  
Wenn däs sä gär nid macha laß,  
dänn setz dofür sie i sä, dass  
sä däs z'miondscht uswiorkt im Gehalt,  
dass Überstunda uom ma zahlt.

As ischt kuo Schaltjohr zwor no hür.  
Dio Forderunga, dio reocht grobo,  
siond zwor, uf wifers, no verschobo.  
Fescht stoht, der Schalt-Tag kut no tür.  
Ma wioß nid gnau, wio tür ar komm,  
ma müoß no kalkulioro drom.

As würd schongliort derwil mit Zahla,  
zum Glück siond ou no hür kuo Wahla.



(ASP552-15..02.2010)




---

I bio a-n-ar Arfiondung dra,  
a-n-a ma G'rät, wo meosso ka,  
wioviel ma lachat so im Schnitt.  
wio herzlä und wio lut, damit  
ma d' Gsundheit stiork, die schwach.  
Wil hüt ma uofach z'wenig lach.  
Wio Abwehrstoff ma überkäm  
für's blogat schwach Imunsystem,  
As tät quot, wenn ma herzhaft lachtit,  
statt ma-n-a loadä Schnorro machtit.

Wenn d' ab dir seolber lacha muoscht,  
dir seolb do gröschtu Gfallo tuoscht;  
dänn heascht ou du dio Gottesgab,  
wo d' 's Leobo lang kascht zehro drab.  
Jeds Lacha lot an Ougoblick  
in Himmel luoga di an Schwick.  
Dir Mensch allou ischt d' Fächigkeit  
als uonzigem zum Lacha gio.  
Du seolb bestimmscht warum und wio,  
und ou bi weller Gleogoheit.

Am beschtu lachascht nach-om Gschpür,  
alls ander Lacha ischt verkehrt,  
as git kuo Lehrbuch döt dorfür;  
ma heat ou 's Mensch si di nid glehrt !



(ASP553-08..03.2010)



an Nachbar

(ASP554-08..03.2010)

---

Din Nachbar brucht kuo Burschaft hio,  
ar söt dir blös kuon A'laß gio,  
dass d' sinon Sustall du nid mascht  
und drom ou iohn nid schmecko kascht.

Us oagnar Arfahrung kascht schliüso seolb drus,  
an Nachbar suocht leider ma seolber nid us.  
Am beschto, ma grüößt-on und lot iohn in Ruoh.  
Er seolb dänko sä siocher ... däs wör i ou tuo.



(ASP554-08..03.2010)



---


Als Bürger goh-n-ä brav zur Wahl.

Obwohl i püktla d' Stüra zahl  
wänd eotz sogär, i fiond däs schlimm,  
glei fuf Parteia minä Stimm.

I bruch sä, säg-ä, geobond Ruoh,  
zum öü no d' Schaba-n-aber tuo.

#####

(ASP555-10..03.2010)



statistisch

(ASP556-25..03.2010)

---

As macht do meishto Lütö Kummer,  
dass sie statistisch siond a Nummer.

As ischt für 's Überleoba wichtig,  
dass d' usleischt a Statistik richtig.

Die bescht Statistik falsch zum düto,  
lit nid a-n-iohro, lit an Lütö.

Statistisch goht däm Menscho guot,  
wo sündiga statt beota tuot.

D' Statistik seolb kuo Wertung kännt,  
was hoßt scho uosofuchzg Prozent.

D' Statitik hebt für roß viel heor,  
sie macht sogar us langlächt quer.

Statistisch kascht bewieso, dass  
do Wetzstuo schwimmt im Fuoterfass.

A(I)s Doarobiorar rein statistisch  
bio-n-i wio d' Mehrzahl optimistisch.



(ASP556-25..03.2010)



---

As git so Sacha, wo do Ma  
viel beser als die sinig ka:

Zum Bispiel 's Handy progarmioro,  
vor allem 's Handy ou vo iohro;

do Raso maio, nei frisiore,  
uf Wusch, nei uf Befehl vo iohro;

vom Gartogrill do Roscht polioro,  
küntt überlo ar zwor ou iohro,  
's duss Grilla gnussvoll praktizioro,  
dar überlo ar kuosfalls iohro;

Gebrauchsanweisunga studioro  
muoß er, und dänn 's arkläro-n-iohro;

ar muoß glich wo, all imponioro,  
gär alla, aber bsundrigs iohro;

ar ka quot d' Gobo kumedioro,  
's arzücho-n-überlot ar iohro;

an Stroßokarta orientioro  
muoß er sä, het sus 's Gscheor mit iohro;

ar widersprieht ganz seolto-n-iohro,  
üobt gschieder 's iohro fescht Flatioro,  
ar würd dervo seolb profitioro,  
wenn d' absioscht neobobei vo-n-iohro.







An Spitzosportar wär-ä,  
wär Weoltmoaschter sogär,  
Rekörd hetit sogär-ä,  
wenn d' Schindarei nid wär!

An Wi-Experte wär-ä,  
wär Sommelier sogär,  
viel Ördo het sogär-ä.  
wenn Wi so tür nid wär!

An Börsomaklar wär-ä,  
sogär scho Millionär,  
viel Gwionn hetit sogär-ä,  
wenn do Verluscht nid wär!

An Mundartdichtar wär-ä,  
dar letscht i wär sogär,  
Poet hoaßtit sogär-ä,  
wenn sprochlos i nid wär!

An Opernsängar wär-ä,  
süng i der Met' sogär,  
an Weoltstar wär sogär-ä,  
wenn minä Stimm nid wär!

An Hubo-Koch ou wär-ä,  
für üs dahuom sogär,  
fein kocha tät sogär-ä,  
wenn 's Abwäscho nid wär!

An Adelige wär-ä,

wär an Monarch sogär,  
murds Feschtor güb sogär-ä,  
wenn i bankrott nid wär!

An Tüpfläschießar wär-ä,  
wär ordilä sogär,  
petantisch wär sogär-ä,  
wenn schlampig i nid wär!

An Kloschterbruoder wär-ä,  
wär Eremit sogär,  
an Jüngling wär sogär-ä,  
wenn 's Wibervolk nid wär!

Politikar ou wär-ä,  
fanatisch gnuo sogär,  
Wohlstand versprüch sogär-ä,  
wenn Schlitzzohr gnuog i wär!

Als Heil'ga Yater wär-ä  
fascht fehlarlos sogär,  
das richtig tät sogär-ä,  
wenn do blös d' Weolt nid wär!

Allmächtig scho gern wär-ä,  
wär Herrgott gern sogär,  
do Menscho lüß sogär-ä,  
so wio-n-ar seolb gern wär!





# Büocherwurm

(ASP559-28.05.2010)

---

Will Büocher as i nöüer Zit  
nid blös a(l)s drucktä Büocher git,  
muoß hüt do Büocherwurm bim Köüo  
halt nochgio ou, deom Trend deom nöüo.

Ar will sä, und probiert zum 's gnüßo,  
dem Hörbuoch kuosfalls sä verschlüßo.

Dio Koscht i digitaler Furm  
kut zwor vor üsrom Büocherwurm  
wie G'montschtas Züg, so ungefähr,  
wie wenn ar bim Mäc-Donald wär.

Ar lot 's halt über sä argoh,  
as würd eh wieder anderscht ko.

Do Büocherwurm heat d' Koscht omgstellt,  
zum Fuoter eotz halt's Hörbuoch zellt,  
muoß freilä zwor uf nüochtro Mago  
glatt d' Büocher mit do-n-Ohro nago.

Und wenn der Werbung ma dar(f) gloubu,  
ischt 's Hörbuoch guot sogär für d' Ougo.

As künt zwor si, dass alls ischt z' spät,  
und er zücht vor a Null-Diät.



(ASP559-28.05.2010)